



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philomathi Mvsae Ivveniles

Alexander <VII., Papst>

Coloniae Vbiorum [i. e. Amsterdam?], 1645

XLI. Ad Lvdovicvm Card. Lvdovisivm Ac Venvsii Principem, Fratres.

urn:nbn:de:hbz:466:1-12750

X L I.

AD L V D O V I C V M C A R D.
L V D O V I S I V M, A C V E N V S I I
P R I N C I P E M, F R A T R E S.

In gratiam F. Coelestini Bruni Augustiniani, cum
eis ille dedicaret librum de usuris; cujus fronti
gentilitia eorundem insignia præposuerat.

Frontem, ô, perpetuis exsere honoribus
Regalique, liber, stemmate nobilem,
Qua discriminat aurum
Orbem purpureum triplex;
Qua sedes placide sidereas fera
Stat Getula petens, qua niveis rubent
Æternumque perennant
Circum lilia collibus.
Heroum soboles, quam tulit Italus
Tranquillo refluens Rhenus in alveo,
Virtus teque gemella
Insignem titulis notat.
Sacrato ad vigilans hic Capitolio,
Sancti dicta senis providus exsequi,
Longam ætate virenti
Mentis canitiem tegit.
Culta illum thalamis jungit Apulia,
Illibata ferens lilia, sedulo

Non

Non direpta leoni,

Dum furta excubitor timet.

Hujus si facilis te sinus excipit

Ornatus volites undique floribus,

Cunctis gratior oris

Ibis splendidius nitens,

Nec furum timeas sacrilegas manus,

Latratu sive canum, & dentibus invidos;

Torvo nam fera visu

Omni te expediet metu.

Illa at mens Procerum vivida Curiae

Augebit pretium muneris, aureo

Si commissa libello

Index ingenii probet.

Prodi, docte liber, praesidium & decus

Nactus par meritis; instrue, collybo

Vti, nomine ficto,

Vera, qua liceat, fide,

Auctori interea dum sapientiae

Terris donat opes, redde nitoribus

Frontem ornate superbis,

Grandi faenore gloriam.